

EFESIOS

Pablo mexe wetfel.

1 ¹Yakha' Pablo, t'eku'myijji' pa' Intata qu' ya'apostoli'ipji' ha' Jesucristo, henq'ika'a' ei ekheweli't yijayan pa' Intata i'ni' ek ha' witset Efeso qa tek'enetsha iye ha' Jesucristo.^a
²Pa' Intata Dios qa ha' Yatsat'ax'inij Jesucristo qu' net'iftits'il ewets qa qu' nikesimen iye pe' atawjetsi't.

Pe' jiyelisij pa' Intata ta'lets pa' Espíritu Santo.

³Neniwqinhetji'ha pa' Dios qa Łatata iye ha' Yatsat'ax'inij Jesucristo, hikpa' jiyelisij week pa'qu' łunye'je' pe' wekwek ta'hiipha'm na' wa's ta'lets pa' Espíritu Santo qe nite' jiteqeku' ha' Cristo.^b
⁴Qe pa' Intata hayiits pa'aj t'eku'm inijji' qe ta'lets ha' Cristo in mexente' wanaqsiijkii pa'aj ha'ne sehe' hats'inha qu' je'tesiits'i'iiha qa' hame' iye pa'qu' u'axe' qu' nam inij in hats jítajayan Pakha'an. Pa' łeqsu'unka'x inij^c
⁵hikpa' jiyamitets qu' jinaqsi'j qa' łelitse'inij qe ta'lets ha' Jesucristo, in łunye'jek pakha' hats łakha'Łe in yisu'un qa yi'sinheti'mkii iye.
⁶Qa aka'an in łunye'jkii qe qa' jintewqinhet qu' nata'lets pa' qi łeq'iltax'inij, hik aka' jiyelisi'ij ham łaja'ye' qe ta'lets ha' yisu'un Ła's.^d
⁷Hikha' pe' 'Łathits jiyilithinik'ui pa' u'ax, qa yiwu'm i'nk'ui pe' inwu'lets. Qa aka'an in łunye'jkii ma' qa' jinikfe'lets in yijaa'ija in qii'ija in yisu'un qu' jinehsij pa' łeqi'fenkeye'j,^e
⁸ma' qa qi in jiyelisij pa' łeqifenkeye'j. Weekij pa' qi łikfeliya'xkii qa weekij iye pa' 'iyayiy'e'jij
⁹in jiyelisij qu' jinenikfe'lets pa' yat'inkii nite' łeke' pa'qu' nenikfe'lets yisu'un qu' naqsiijkii, hik aka' in yejelik'uiha in yaqsiijkii qa qii'ija in łe'wisijju'ha qu' jiniłin, qa i'nijji' ha' Cristo.^f

^a 1:1 Ef 1:9; 5:2; 1P 1:21; Hch 13:9; 18:19-21; 19:9-10; 20:3,17; 1Co 15:32; Ap 2:1

^b 1:3 Ef 1:20; 2:6; 3:10; 6:12 ^c 1:4 Jud 24 ^d 1:6 Jn 1:14; 3:35; 10:17; Ro 5:2; 2Co 4:15; Mt 3:17; Col 1:13 ^e 1:7 He 9:12; Sal 25:11; Mt 9:2; Mr 2:5; Lc 24:47 ^f 1:9 Ro 9:11; 11:25; 16:25; Ef 3:3; Col 1:27

¹⁰Qa pa' yisu'un qu' naqsiijkii qa' nafits qu' hats weeke' wetets pe' lahatsiyij, ma' qa' ewi't neni' pe' week na' wa'sji' qa ha'ne sehe' ipji' qa' netnek'enhe'yij ha' Cristo.^g

¹¹Hik hakha' iye in jitajayan ma' qa' jintesti'yij hatse' pa'qu' jinatsat'etsijek, in lunye'jek pakha' hats yisu'un qu' lunye'je'kii pakha' yaqsiijkii week eke' wekwek, ma' qa hik lunye'je' pakha' hats yisu'un qu' lunye'je'kii.^h

¹²Hats'inha yekheweli't in hojo'otij in nite' heqeku'u' ha' Cristo, ma' qa' yekheweli'it qu' nata'hi't yiwets qu' neniwqinhet pa' Intata.ⁱ

¹³Qa aka'an qa hik aka' ka' ejunyejeyi't, in ink'a lepi'ye'elik'i ma' qa 'ek'eni'hik'i kekhewe' wi'tlijei ta'hets pa' yijaa'ija, qa wi'tlijei iye ta'hets qu' ji'ha'xe', qa aka'an in lunye'j ma' qa hats neni't ji'teje'm pa' yiwjutsiqenij in yatsat'etsi't ej pa' Intata hikpa' pa' Espíritu Santo hayiits yiwjutsiqen qu' jinetisij.^j

¹⁴Hikpa' Espíritu Santo nojohon'e inwets in t'ejuyets pe' jiyatsat'etsij hatse'. Qa qu' namtaxets aka'an, qu' hats jintewejinhetiitaxkiiha ma' qa' jintewqinhet qu' nata'hets pa' qi teq'iltax'inij.^k

Pablo iyinjiipji.

¹⁵In tsikfe'lets in nite' leqeku'u' ha' Yatsat'ax'inij Jesús qa qi iye in lisu'uni't pe' week inefefetsipji' pa' Intata, qa hik ta'hijupi'

¹⁶yakha' in nite' hili'ij in hitjiijetspha'm le'wisij pa' Intata qe ta'hi't ewets week qa k'iyinji'ij.

¹⁷K'iyinijets pa' leqe Dios ha' Yatsat'ax'inij Jesucristo, qa Latata pa' qi witisax, qu' nelisi'hij pa' witikfeliya'xkii ta'hets pa' Espíritu Santo qa qu' nethini'hij qu' les enikfe'li'hets pakha'an.^l

¹⁸K'iyinijets qu' ni'wenkitkiiha pe' atawjetsi't, hats'inha qu' enikfe'li'hets pa'n lunye'j pa' jiwetjumti'ijik'ui in tayai iniiji', pa'n lunye'j pa' qii'ija in le'wis qu' netisij hatse' qa' natsat'etsij pe' telits pa' Intata.^m

¹⁹Qa' enikfe'li'hets iye in ham pa'qu' luk'eyi'iju't in qii'ija pa' tet'unha'x pa' Intata qa hikpa' pa' tet'unha'x qa t'ifti'ts inwets inekhewel in jitek'enets, qa hikpa' iye pa' tet'unha'x ham pa' qu'nte' ne'weju'hi'ij,ⁿ

²⁰qa hikpa' iye yit'iji' in niihinik'uipha'm ha' Cristo pe' naxju', qa na' wa'sji' qa yinhiniju' pa' yiyalyik'i pa' Intata.^o

²¹Ma' qa pa' tet'unha'x ha' Cristo qa t'anipji' totsiiju'ha week pekhewe' qitstaxji' in tenek'enhei, qa pe' te'weyiju't in qitstaxji', qa pe' na'ltaxi'm pe' tet'unhaxits in tenek'enhei, qa pe' na'ltaxi'm pe' tenek'enhe'yij

^g 1:10 Mt 1:17; 5:2; Fil 2:10; Ef 5:2; Col 1:16 ^h 1:11 Pr 19:21 ⁱ 1:12 1Ts 1:3; Mr 10:37

^j 1:13 Col 1:5; 2Ts 2:10; Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22

^k 1:14 Gn 38:17-18,20; 2Co 1:22; 5:5 ^l 1:17 Sal 51:12; 1P 4:13 ^m 1:18 1Ts 1:3; Col 3:15

ⁿ 1:19 Hch 4:33 ^o 1:20 Jn 20:17; Ef 1:3; 2:6; 3:10; 6:12; Fil 2:9,10; 1P 3:22

qa week iye pakha' qu' nenittaxij pa'qu' liye', qa nite' ha'neli'ij ha'ne lahats'ij, qe pa' mexe hamik'ui iye.^p

²²Ma' qa yeni' iye qu' week netnek'enhe'yij hakha'an, qa pakha'an qa yeni' iye qu' lejlayi'ij week pe' yijayan pa' Intata.^q

²³Qa enewe' yijayan qa hik lunyejei qu' 'hese'ne' ha' Cristo, hikha' topo'oj enewe'en qa hakha' iye i'ni' ha'ne week.^r

Jiyehisij pa' witiłax qe tałets pa' Jesucristo.

2 ¹Toxik'i ekhewelił mexe hik ejunyejejił qu' anaxiłju' qe tałets in laqsiłjiki pa' ułax.^s

²Ma' qa la'niłi' pakha' lunye'j ha'ne week sehe' epji', qa hijayaniłij pakha' tenek'enhe'yipji' ha'ne sehe' epji', hikpa' espıritu ułax, in t'ithayii qa natkin pe' nite' tek'enets pa' Intata.^t

³Qa enewe'en hik injunyejeitax iye toxik'i inekhewel, ma' qa jitaqsiłjiki pakha'le qu' lunye'je' qu' jintesu'un ułax, qa jitek'enijuł pa'qu' nisu'un ha'ne i'nese'n qa pa' inaqjamtikineye'jkii, ma' qa in lunyejeyek pekhewep, in ewiłhe in je'wejułtaxij pa' laxtanithenkeye'j pa' Intata.^u

⁴Qa pakha'le Intata qa qiiłja pa' na'li'm leq'iltiye'j. Qa in tałets pa' qi leqsu'unka'x inj,^v

⁵ma' qa jiyehisij pa' witiłax i'nijji' ha' Jesucristo, in mexe hik injunyejeitax qu' jinanaxju' qe tałets pe' inwułets. jPa' leq'iltiye'j pa' Intata tałets in hats iłiyił!^w

⁶Qa in ewił ju'uniłi' ha' Cristo, pa' Intata qa hats hik lunye'j qu' jiniihinik'uipha'mkii pe' naxju' qa hats jiyinhinijup hakha'an na' wa'sji'.^x

⁷Qa in yaqsiłjiki aka'an qe qa' jil'nethiinijha hatse' in qiiłja pa' leq'ilta'x inj, qa in qiiłja iye pa' leqifenkeye'j inj qe tałets in jitek'enets ha' Jesucristo.^y

⁸Qe pa' leq'iltiye'j pa' Intata tałets in hats iłiyił qe nite' H'inqeku'ul, qa aka'an qa nite' tałi'it ewets, qe tałhe'ets yijat'ij pa' Intata in yisu'un qu' nelisłi'ij pa' witiłax,

⁹nite' tałets pa'qu' jintaqsiłjiki, qe qa' ham pa'qu' neniwqinhetij pe'ye'.

¹⁰Qe inekhewel in jitajayan pa' Intata, iłithayijkit pa' Intata. Inekhewel jitaqsiłjikiyijiki in jitajayan ha' Jesucristo qe qa' jintaqsiłjiki pa' le'wis, hik pakha' pa' le'wis hayiits pa'aj yajiłlet pa' Intata qu' injunyejeje.^z

Cristo jiyaqsi'j wetjuł.

¹¹Maxtayit qeku'niłik'i kekhwep lahatsiyij, ekhewelił in nite' lenekihifiki qu' ełjudiolił, ne' judiol hik nekhewe' yaqsiłjiki kakha'

^p 1:21 2Ti 2:19; Mr 10:30 ^q 1:22 Sal 8:6; Ro 13:1; 1Co 15:27; 1P 3:22; Col 2:10

^r 1:23 Ef 4:4; Jn 1:16; Col 3:11 ^s 2:1 Jn 5:25 ^t 2:2 2P 2:10,20; Jud 8; 1Co 2:12; 1Ti 4:1

^u 2:3 Fil 3:3; Mt 21:31; Lc 12:47; 23:25; Jn 1:13; 1Co 7:37; 2P 1:21; Ro 2:5; Ap 6:16

^v 2:4 Lc 1:50; 1Co 13:1; 1Jn 4:16 ^w 2:5 Col 2:13; 1Ti 5:6; Jn 5:25 ^x 2:6 Col 2:12;

3:1; Ef 1:3,20; 3:10; 6:12; Fil 2:10; 1P 3:22 ^y 2:7 Mr 10:30; Lc 8:14; 2Co 8:9; Sal 25:6

^z 2:10 Jn 1:3; Ap 3:14; Ro 9:23

circuncisión qa ekheweli'l qa leqiyitsi'l ej hamitsi'm kakha' circuncisión. Qa kakha'le circuncisión qa jukhewle na'aj yaqsiijkii.^a

¹²Maxtayitilik'i iye in mexe i'totsi'hi'mets ha' Cristo kakha' lahats'ij, mexe i'totsi'hi'mets ne' Israel lelets, mexe nite' yatsat'etsi'l epji' iye pe' yiwjutsiqen pa'aj pa' Intata, mexe ham pa'qu' etjuntmi'hik'ui qa mexe ham iye pa' yijaa'ija in Dios in l'ani'hi'pji' ha'ne sehe'.^b

¹³Qa ha'neli'ij in hijayani'l ha' Cristo, ekheweli'l kekhewe' mexe i'totstaxi'hi'mii kakha' lahats'ij hats e'metitsi'hi'm qe ta'lets pe' l'athits ha' Cristo.^c

¹⁴Qe ha' Cristo hikha' jiyaqsi'j wetju'l, ma' qa inekhewel in je'judiol qa ne' nite' judiol iye qa hats hik injunyejei qu' ewi'l witset'e, qa hakha'an qa yiwjajaqitju' pa' jiyeqethentax wetju'l.^d

¹⁵Qe in wa'm qa yiwamhitijkii qa yilinenij kekhewe' yittaxij kakha' ley, ma' qa yaqsiijkii in hats hik lunye'j qu' ewi'le'le pa' jukhew in mexe hik lunye'jtax qu' wetsjuk'e qe qa' ewi'l jina'niji' hakha'an, aka'an hik aka' lunye'j in je'le'sits wetju'l.^e

¹⁶Lakha' in wa'mjipha'm pe' cruz qa yaqsi'j wetju'l pe' wetsjuktax (pe' judiol qa pe' nite' judiol), ma' qa hats hik lunye'j qu' ewi'l l'ese'ne', qa yaqsiijkii iye in le'sitsi'l wetju'l pa' Intata pekhewe' hats hik lunye'j qu' ewi'l pa'qu' l'ese'ne', qa in hats le'sitsi'l wetju'l, qe ha' Cristo hats yilan pakha' yitontax wetju'l.^f

¹⁷Qa ke' we'nika'ajji' qa yit'ij: —*Ma' qa nam qa nifel qu' e'le'sitsi'it wetju'l pa' Intata ekheweli'l pekhewe' totsii, qa qu' le'sitsi'it wetju'l iye pekhewe' metitstaxi'm.*— (Is 57:19)^g

¹⁸Qe ha' Cristo hikha' ta'lets, ma' qa yekheweli'l in ye'judio'o'l, qa ekheweli'l in nite' e'judio'o'l, in les je'metitsi'm pa' Intata qa ewi'le pa' ta'lets in Espíritu.^h

¹⁹Qa hik ta'hijupi' ekheweli'l in hats nite' hik ejunyejeji'l qu' pakha' ata'hi'ji', hats nite' hik ejunyejeji'l qu' nite' netsikfe'li'it ej, qe hats etsetifetsi'l yijat'ij pe' yijayan pa' Intata, hats la'ni'l ji'teje'm pe' lelets pa' Dios.

²⁰Ekheweli'l hik ejunyejeji'l utel in teniihinpha'm pe' wititsi', qa pekhewe' letkui qa hik hekhewe' he' apóstoles qa pe' profetas'ik'i, qa ha' Cristo qa hik hakhaa'ija hik lunye'j qu' witeqjeyumtshenki'ye' ute in i'nk'a tsupju' pe' wititsi'.ⁱ

²¹Qa in ta'lets ha' Cristo, pe' wititsi' teniihinpha'm qa qapits wetju'lha in ewi'l i'ni' pe' utel, qa week neluts t'ijai'fik'i hats'inha qu' nijat'ax pe' wititsi' qa' ewi'le'le qu' net'ejujets pa' Yatsat'ax'inij.^j

^a 2:11 Ga 6:15; Fil 3:3 ^b 2:12 Gn 12:7; 1Ts 1:3; 4:13 ^c 2:13 He 9:12 ^d 2:14 Ro 10:12; Ga 3:28 ^e 2:15 Ap 3:14; Jn 11:52 ^f 2:16 Ef 4:4 ^g 2:17 Lc 4:18; 1P 1:12 ^h 2:18 Jn 4:23; 10:7-9; Ro 5:2; Ef 3:12; 4:4; 1Co 1:12; 12:13 ⁱ 2:20 1Co 12:28; Ef 3:5 ^j 2:21 Ef 4:16; 1P 2:5

²²Qa hikha' iye Cristo ta'lets ekheweli'l pe' nite' judío qa judío iye in e'weeki'l in la'ni'l ji'teje'm pe' teniihinpha'm wititsi' pe' i'nifi pa' Intata qe i'nji'teje'm pa' leqe Espíritu Santo.^k

Pa' yat'inkii pakhaa'ij pa'aj pa' Intata.

3 ¹Qa hik ta'hijupi', yakha' Pablo, in ho'yophehiti'yipji' ha' Jesucristo qe qa' e'le'sitsi'ijju' ekheweli'l in nite' e'judioltaxi'l.^l

²Qe yijaa'ija qu' hats impi'ye'elij kakha' ts'ithayinenij pa' Intata qu' nelisi'hij pa' leq'iltiye'j.

³Lakha' in tsikfelitets qa ts'ethinij aka' nite' hayiits pa'qu' nenikfe'lets, in l'anye'jek kakha' hats he'nq'ika'alij ei nite' ijetaxijje'm.^m

⁴Qa qu' iyineni'hik'i ma' qa' enikfe'li'tetsa yakha' in tsikfe'lets aka' nite' hayiits pa'qu' nenikfe'lets t'ejujets ha' Cristo.ⁿ

⁵Hik aka' toxik'i mente' tisij pa'aj pa' Intata pe' jukhew'ik'i qu' nenikfe'lets, qa ha'neli'ij qa hats yethinij qe ta'lets pa' Espíritu Santo hekhewe' apóstoles qa pekhewe' profetas iye.^o

⁶Qa aka' yethinij enewe'en aka'an: pe' nite' judiol in na'lji'jek hatse' pa'qu' netesti'yij, lekhewel iye lewekwekits pa' wit'ese'n, lekhewel iye i'nji'teje'm pe' notki'ik'ui pa' yiwjutsiqeni'm pa' Intata pekhewe' tek'enets ha' Jesucristo. Ekewe'en hik ekewe' ke' le'sits wi'tlijei.^p

⁷Qa aka'an hik aka' ka' ts'ithayinenij pa' Intata qe ta'lets pa' leq'iltiye'j. Ma' qa pa' let'unha'x qa i'nij yitji' in yaqsiiikii aka'an.^q

⁸Yakha' in les heiweitaxik'uiju' pakha' qu' ham ne'weju'h'ij pe' yijayan pa' Intata, qa pakha'te Intata qa t'eku'myijyijji' qu' hithayiki pa' qi leq'iltiye'j, ma' qa henfeli'm ne' nite' judiol pa' ham l'aka'the'ye' in le'wis ta'lets ha' Cristo.^r

⁹Qa' hethinij iye qa' week ni'wen aka' nite' hayiits pa'qu' nenikfe'lets, qe pa' Intata pakhaa'ij pa'aj in yat'inkii, hikpa' yaqsiiikii pa'aj ha'ne weekji'.^s

¹⁰Hats'inha ene' yijayan pa' Intata qa' hik enewe' nata'lets qu' nenikfe'lets hane'ej pe' angelits tenek'enhei na' wa'sji' pa' qi likfeliya'xkii pa' Intata in inq'ethinij in week nikfe'lets pe' l'unya'ejeite wetju'l.^t

¹¹Hik aka' l'unya'e'j in hats yamik'ui pakha' hayiits yaji'let pa'aj qu' l'unya'e'jekii in mexe ham ha'ne week qa i'nijji' ha' Jesucristo Yatsat'ax'inij.^u

¹²Hikha' ta'lets in nite' jiwetjeyepun qa les in je'metitsi'm pa' Intata, qe nite' jiteqeku' hakha'an.^v

^k 2:22 Ro 11:18; 1P 2:5 ^l 3:1 2Ti 1:8 ^m 3:3 1P 4:13 ⁿ 3:4 Col 4:3 ^o 3:5 1Co 12:28-29; Ef 2:20 ^p 3:6 Gn 12:7 ^q 3:7 Mr 5:30; Lc 1:35; 6:19; Hch 19:11; 2Co 13:4; Ap 11:17

^r 3:8 Ro 1:15; 10:12; 11:12; 1P 1:12 ^s 3:9 Mr 13:19 ^t 3:10 Pr 3:19; Ro 11:33; 1Co 1:21,24; Ap 7:12; Ef 1:3,20; 2:6; 6:12; Fil 2:10 ^u 3:11 Pr 19:21 ^v 3:12 Ro 5:2

13Qa hik ta'hijupi' qu' nek'iyini'hij ewets qu' hasu'uj natha'lalinheti'hju' qu' nata'lets pakha' haats'e'ej qe ta'hil' ewets. E'le'sitsi'ihimkii yijat'ij qe pa' haats'e'ej jutsiqaxij in hats yatsat'etsi' ej pa' Intata.^w

Pablo iynjiipji' pe' Efeso letlets.

14Aka'an in lunye'j, ma' qa honokok'enijifi qu' nek'iyinijets pa' latata ha' Yatsat'ax'linij Jesucristo,^x

15hikpa' tisij ka' hii pe' week witjefeyek ipji', na'l pe' hats i'nii na' wa's qa na'l pe' mexe i'nipji' ha'ne sehe',

16qu' nelisi'hij pa' qi lesa'x qa' nata'lets pe'qu' et'unhaxitsi'il qu' nata'lets pa' Espiritu Santo.^y

17Qa k'iyinijets iye qu' na'ni'l etji' ha' Cristo in nite' leqeku'ul, qa k'iyinijets iye pa' witeqsu'unka'x qu' hikpa' extuk'i'ilij in mexe i'hiyi'l.

18Qa aka'an qu' lunye'je', ma' qa' nata'lets qu' menikfeliti'tetsha qa week iye pe' inefefetsipji' qu' nenikfelitetsha iye pa'n qu' lepk'eyeji', qa pa'n qu' lepk'eyepha'm iye qa pa'n qu' iplu'ye'ju' iye qa pa'n qu' iplu'ye'pha'm iye in qi pa' leqsu'unka'x ha' Jesucristo.^z

19Qa k'iyinijets iye pa' Intata qu' nikfeliti'tetsha ha'ne qi leqsu'unka'x ha' Jesucristo, in ham pa'qu' nenikfe'letsha pa'n luk'e, hats'inha qa' notpoli'l ej qu' ejunyejeyi'il pa' lunye'j pa' Intata.

20Jitewqinhetji'ha pakha' na'li'm pa' let'unha'xijup in teke' qu' naqsiihkii qu' les nanhini' pakha' luk'e pa' jitumtitax qu' teke'ye' qu' naqsiihkii i'ni'i iye pakha' luk'e pa' jutumtitax qu' teke'ye' qu' jii'niyinijets. Pa' in'initji' let'unha'x yaqsiihkii aka'an.^a

21Iwqinheti'ha pa' Intata ekheweli'l in hijayani'l qe l'ek'eni'lets ha' Jesucristo, qa hasu'uj qu' ili'ihij qu' iwqinheti'hji'. Amén.^b

Ewi'l pa'qu' injunyejeye'.

4 1Qa hik ta'hijupi' qu' nek'iyini'hij ewets, yakha' Pablo, ye'wit'ophefik qe ta'lets ha' Yatsat'ax'linij, qu' aqsiihkii pakha' hats l'enyayihijii qu' ejunyejeyi'il.^c

2Meniwqinhetkitek'il, af'ayai qu' iyeti'l, hasu'uj eq'itaqsunhetsi'il, itaqsunkite'elij wetju'l pe'ye', mewet-su'uni'l yijat'ij.^d

3Aqsiihkii week pa' luk'e' pa' teke' qu' aqsiihkii hats'inha qu'nte' niliyi'ij in ewi'l ta'ni'hiji' pa' ham peeyi'ijkii ta'lets pa' Espiritu Santo.^e

^w 3:13 2Ts 3:13; Jn 5:44; 7:18; Ro 2:7; 1P 5:4 ^x 3:14 Fil 2:10 ^y 3:16 Lc 8:14; 9:32; 2Co 8:9; 3:18; Jn 17:24; 2P 3:18; 2Ti 1:7; Ro 7:22; Fil 4:13 ^z 3:18 Job 11:7-9; Sal 103:11-14
^a 3:20 2Co 9:8; Jud 24; Mr 14:36; Ro 15:13; 16:25; 2Ti 1:7 ^b 3:21 Fil 4:20 ^c 4:1 2Ti 1:8
^d 4:2 Col 3:12; Ex 34:6; 2Ti 3:10; He 13:22; 1Co 13:1 ^e 4:3 Ef 4:13; Sal 51:11; Jn 1:33; Hch 2:4; Ro 1:7; 8:9; Ga 5:25; Tit 3:5; Ap 3:22; Lc 12:51; 2Ti 1:2; 3Jn 15

4 Pa' wit'ese'n ewi'He qa pa' Espíritu ewi'He iye, qa hik lunye'l iye in ewi'He pa' jiwetjunti'ijik'ui hikpa' Peniyayihiji,^f

5 ha' Yatsat'ets'inij ewi'He, pa' nite' inqekuyejei ewi'He, in jiwempulijijju' ewi'He,^g

6 pa' Dios qa Łatata ene' week ewi'He, hikpa' week tenek'enne'yij, t'ithayii i'nijji' ene' week, qa i'nji'teje'm ene' week.^h

7 Qa weekle ewitei inekhewel jintesti'yij pa' łuk'e' pa' yisu'un qu' jinetisij ha' Cristo.ⁱ

8 Qa hik ta'łijupi' ka' we'nika'ajji' in yit'ij: —*In wapiletspha'm pa' toxpha'm, qa yeka'x pe' olots wit'opheii, qa netisijju' pa'qu' niya'yij ene' jukhew qa efuts iye.*— (Sal 68:18)^j

9 ¿Qa pa'n ikji' aka'an in yit'ij wapiletspha'm iye? Aka'an ikji' in yaamli'ijju' pa' les toxijju' ha'ne sehe!^k

10 Qa pakha' ikju' qa hik pakhaa'ija iye pa' iketspha'm iye pakha' les toxpha'm ha'ne wa's, qe qa' netnek'enne'yij ene' week.^l

11 Qa hikha' qa tisij he' uja'x in apostolitsij, qa pekhewep profetas, qa pekhewep qa ikij qu' nenfeli'm pekhewep eke' wi'tlijei t'ejuyets hakha'an (evangelistas), qa pekhewep qa yejelets pe' hats yijayan pa' Intata (pastores) qa i'nq'ijatshenij iye pa' Intata ke' le'lijei (maestros).

12 Qa ekewe'en in netisijju' qe qa' nijatshenij pe' hats yijayan pa' Intata ma' qa niyaiijjek aka' wit'ithayijkit, ma' qa' les qu' net'un pakha' hik lunye'l 'ese'n ha' Cristo.^m

13 Qa aka' wit'ithayijkit, qa' namli'ijii qu' ewi't na'ntaxi' qa' week łajaye' wetju'łha qu' le'sitse' pe' nite' inqekuyejei, qa pa' inikfeliyaxitsets ha' Ła's pa' Dios, ma' qa' hik injunyejeje' na'aj hats jukheewija, qa' hats hik injunyejeje' ha' Cristo in hik lunye'l na'aj hats jukheewija.ⁿ

14 Qa ha'neh'ij hasu'uj hik injunyejeje' ne'ej omehets, qe na'aj i'nk'a jitepi'ye'ek'i ma' qa aje'eł jitungti, qa hik injunyejei qu' pekhel jinepiletji'kii ne'ej iweli' łeqe t'uuyuits, qe ta'łets pe' łeq'ijatshenkeyejeite wetju'ł yumtitax qu' nasinik'i.^o

15 Qu' jil'niyetij yijat'ij pa' yijaa'ija qa' weeki'ij pa' ineqsu'unka'x, ma' qa' jil'nt'ijayijfik'i qa' neteilem qu' hik lunye'je' hakha' łejila', hikha' Cristo.^p

16 Łakha' in łejila' pa' wit'ese'n, qa łakha' ewi'He qu' nata'łets pa' wit'ese'n qu' neteni'fen wetju'ł qa' ewi't na'ni', ma' qa' week ewiteye' pe' łewekwekits pa' wit'ese'n qa' le'wis qu' naqsiijkii pakha' łeke'uju'ł qu'

^f 4:4 1Co 10:17; 12:9,12-13; Ef 1:18; 2:16,18; Col 1:5; 3:15; Hch 26:6-7; 28:20; Ro 5:2; 8:23-25; 12:4-5; 1Ts 1:3 ^g 4:5 1Co 1:13; 8:6; Jud 3 ^h 4:6 Dt 6:4; Mt 5:16; 11:27; Lc 11:13; Jn 8:42; Sal 104:24 ⁱ 4:7 1Co 12:7-11 ^j 4:8 Jn 20:17 ^k 4:9 Jn 3:13; 6:62; Ro 10:6-7; Fil 2:6-11 ^l 4:10 Jn 3:13; 6:38; Ef 1:23; He 4:14; 7:26; 9:24 ^m 4:12 Ro 7:4; 1Co 10:16; 12:27; Col 2:17 ⁿ 4:13 Jn 5:19; He 1:2; Lc 2:52 ^o 4:14 Ro 15:4; He 13:9 ^p 4:15 Col 2:10

naqsiiikii, ma' qa pa' wit'ese'n qa' net'ijaipha'm qa' net'un qe ta'lets pa' witeqsu'unka'x.^q

17Aka' qu' hit'ilij ewets qe ta'lets ha' Yatsat'ax'inij: qu' yape hasu'uj ejunyejeji't ka' lunyejei nekhewe' nite' yijayan pa' Intata, qe lekhwel yijayanij pe' ham weju'li'ij laqjamtikineyejeikii.

18Pa' hikfeliyaxitstaxkii hik lunye'j qu' noo'ye'kii, tots'mii pa' le'wis witila'x ta'lets pa' Intata, qe ta'lets in ham nikfe'le'lets qa' in yit'unhet iye pe' latawjets.

19Nite' wonoksi'wen, wetlisij pa' witqawitjineyaxij ene' wit'esenits hats'inha qa' nite' nami'ijju' qa' pakha'le' qu' lunye'je' in wanawitji.

20Qa ekhwelhi'il qa' nite' l'ijatshenheti'yi'lij qu' hik aka' ejunyejeji't in lenikfe'lilets ha' Cristo.

21Tsikfe'lets in hats l'imp'iy'e'lij qa' l'ijatshenheti'yi'lij iye hakha'an, ma' qa lenikfe'li'lets pa' yijaa'ija hikpa' jiyijatshenij ha' Jesús.^r

22Qa hik ta'hijupi', ili'lij pe' hayiits ejunyejeji't, qa' ili'lij iye in lijamti'iletskii, qe pa' hayiits ejunyejeji't hats u'axijkii qe ta'lets pe' u'ets laqsiiikii,^s

23hats'inha qu' nenink'aihit pa'qu' ejunyejeji't qa' pa'qu' aqjamtikineyejeji'tkii iye.^t

24Ma' qa' uyi'hik'ipha'm pa' ink'ayik ejunyejeji't, hikpa' hik lunye'j pa' le'wis lunye'j pa' Intata, qa' taqsijkitiyijkii qu' natsathen qa' qu' naqsiiikii iye pa' yisu'un pa' Intata qa' qu' yijaayi'ija iye pa'qu' lunye'je'.^u

25Qa hik ta'hijupi', ili'lij pa' witwejtitsi', *it'ijets pa' yijaa'ija week pe'qu' metitse'em jukhewe qa' efuts*, (Zac 8:16) qe week inekhwel lewekwekits pa' ewi't wit'ese'n.^v

26A'nayu'utkii, qa' hasu'ujte aqsiiikii pa'qu' u'axe'. (Sal 4:4) Hasu'uj nu'i'ejju' ne' junu' qu' a'nayu'kii.^w

27Hasu'uj mowo'ohi eq'itset'li'lij pa' inwo'met.

28Pa'qu' ejtenhetsaxe', yape nili'ij. Net'ithayii yijat'ij, ma' qa' nanatkinijji' yijat'ij pe' lokoyei pa' le'wis, hats'inha qu' leke'ye' qu' ni'fen pakha' qu' hami'im pe'ye'.^x

29Hasu'uj it'ij pe'qu' u'etsi'ik'i, it'ij yijat'ij pe'qu' ni'fen qa' qu' nakaktin iye pe' latawjets pekhewepe', hats'inha qu' nit'ijetspha'm le'wisij pa' Intata pekhewe' qu' nepiye'.

30Hasu'uj ika'metenheti'tkii pa' Espíritu Santo, hik pakha' hik lunye'j qu' e'nikatiyi'lij qu' net'ejuyets pa' ne'ujji' qu' hats ewejinhetiiletaxi't hatse'.^y

31Me'nitonihimetsha week pa' hik lunye'j ek'imii, pa' witts'iyopto', pa' witwakayel', pa' witk'el'eyel', qa' pa' u'etsik'ikii le'lijeyij pakhape' qa' week pekhewep iye u'ets hik lunyejei ekewe'en.

^q 4:16 Col 2:2,19; 1Ts 4:17 ^r 4:21 2Ts 2:10; 2P 3:11 ^s 4:22 Ro 6:6; 7:6; 13:12; 1Co 3:14; 5:7-8; Col 3:9 ^t 4:23 Sal 51:12 ^u 4:24 Ro 13:12; Mr 13:19; Jn 1:3; Ap 3:14; Col 3:10; 2P 1:4 ^v 4:25 Pr 31:25 ^w 4:26 Sal 37:8; Mt 18:21; Stg 1:19-20 ^x 4:28 1Ts 2:8; 1Ti 6:18
^y 4:30 Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22; Fil 1:6

³²Eik'une'yi't yijat'ij qa' e'nq'eleti't wetju'lha iye, e'le'sitsi'it wetju't in lunye'jek pa' Intata in e'le'sitsi't wetju't qe ta'tets ha' Cristo.^z

Ojonketiik'i pa' Dios.

5 ¹Qa hik ta'hijupi', ojonketiik'i pa' Dios qe ekheweli't lélits pakha'an qa ne'su'uni't iye.

²Isu'uni'lha ene' week, in lunye'jek ha' Cristo in qi in jiyisu'un qa wetliski'ij, hik lunye'j na'aj inqam'et in testi'yij pa' Intata qa qi in ewjisiyi'm.^a

³Ekheweli't in hijayani't pa' Intata, hasu'uj qu' nana'li't etji'ju' pa' wanawitji'ijju'kii h'esenits, qa pa' naqameyu'uj wekwek, qe hik aka' ikji' in lélitsi't ej pa' Dios.^b

⁴Hasu'uj iye it'ij pe' wekwek t'ejuyets in wanawitji'e. Hasu'uj iye it'ij pe' wi'tlizei nite' teqenel'ukii. Hasu'uj it'ij qu' iyowk'eleikii pe'qu' niwepinhet wetju't pekhewepe'. Qe nite' le'wisijupi' ekewe'en qu' jintatkin in jitajayan pa' Intata, it'ij yijat'ij pe'qu' nata'hijupi' qu' nenit'ijetspha'm le'wisij pa' Intata.

⁵Qe hats lenikfe'li'tets in yijaa'ija in ham pakha' qu' nanawitji'ij h'ese'n qa pa'qu' les nisu'un wiikfik'i ekewe' wekwek qa nite' wetweju'lenij ma' qa hik lunye'j leqe diose', qu' nana'l pa'qu' netesti'yij hatse' pa' tenek'enhe'yi' ha' Cristo qa pa' Intata.^c

⁶Hasu'uj neqfeetsinheti'l'kii ma' qa' umti'it qu' yijaayi'ija pa'qu' epi'ye'etik'i pe' wi'tlizei nite' yijaalija, qe week ekewe'en ta'tets qu' nitanithen pa' Intata pekhewe' nite' tek'enets.^d

⁷Qa hik ta'hijupi' hasu'uj ni'hij ji'teje'm pekhewe'en pa' yaqsiijkii.

⁸Qe toxik'i mexe hik ejunyejeyi't nookii qe mexe nite' lenikfe'li'tets, qa ha'neli'ij qa hik ejunyejeyi't na'lkii qe hats lenikfe'li'tets ha' Yatsat'ax'inij. Me'neni'ha in lélitsi't ej pa' na'lkii,^e

⁹qe pe' lei pa' na'lkii pekhewe'en: pa' witq'ilta'x, pa' yatsathen qa pa' yijaa'ija.^f

¹⁰Mowo'o'hi qu' enikfe'li'tets pe' yi'sinhetij pa' Intata.^g

¹¹Hasu'uj eneqjeyu'uhijets qe pe' yaqsiijkii ham weju'h'ij pekhewe' yatsat'etsij pa' nookii, ilaxanheti'himetsju' yijat'ij pe' yaqsiijkii pekhewe'en,^h

¹²qe yeqwepin iye qu' jintit'ij pekhewe' wanat'intaxij wekwek yaqsiijkii pekhewe'en.

^z 4:32 Mt 9:2; 11:30; Lc 5:39; 6:35; 24:47; Ro 2:4; 1Co 15:33; 1P 2:3; 3:8; Sal 25:11; Mr 2:5; Col 3:12-13 ^a 5:2 2Ts 2:13; Tit 2:14 ^b 5:3 1Ts 2:5; 4:3,7; Lc 12:15; Ro 1:29; Ef 4:19; Col 3:5; 2P 2:3,14 ^c 5:5 1Co 5:9-11; 6:10; 2Co 6:17; Mr 1:15 ^d 5:6 Ro 2:5; Ap 6:16 ^e 5:8 Sal 36:9; Jn 12:35-36,46; Is 2:5; Lc 16:8 ^f 5:9 Ga 5:22; Ef 5:17 ^g 5:10 Ro 12:2; Lc 18:18 ^h 5:11 Ga 5:22; Tit 3:14

13 Week pa'qu' wekweke' qu' na'ni pa' i'ni' pe' fetitjii qa nalitetsju', qa te'wenhetii.ⁱ

14 Qa hik ta'hijupi' ka' wenith'iij in yit'ij: —Akha' in lama', onompha'm, eniyik'uipha'm nekhewe' hik lunyejei najju', qa pa' Cristo qa' netujinhetji'.—

15 Qa hik ta'hijupi', mewetjeli't otok'oiha, hasu'uj hik ejunyejeji'it pekhewe' hik lunyejei qu' nite' netqene'u'ye' wetju't, hik ejunyejeji'it yijat'ij pekhewe' hik lunyejei qu' nenikfe'lkii.

16 Iwq'axinj pa'qu' lahats'i'ij qu' enqif'eli'ij pakhape' qu' aqsiimijkii pa' le'wis, qe ene' nelutsji' u'ets.^k

17 Qa hik ta'hijupi', hasu'uj hik ejunyejeji'it qu'nte' eqe ne'u'yi'itkii, mowo'otii yijat'ij qu' enikfe'li'itetsha pa' yisu'un ha' Yatsat'ax'inij qu' aqsiihijkii.^l

18 Qa hasu'uj iye qu' enk'uwet'it, qe aka'an jiyiwu't'enhet. Aka' ejunyejeji'it yijat'ij, notpoli't ej pa' Espíritu Santo.^m

19 Matkak'ini'ij wetju't, iji'itk'i' ke' le'lijtsinel pa' David'ik'i (Salmos), pe' e'lijtsineli't qa pa'qu'le lunye'je' pe' witlijtsinel t'ejujets pa' Intata. Elijtsiyi'ij qa' iwqinheti'iji'ha iye weekij pe' atawjetsi't pa' Yatsat'ax'inij.

20 Itji'ijetspha'm le'wisij pa' Intata Dios qu' nata'tets week pa'qu' lunye'je' ekewe' wekwek, aka' hijji' ha' Yatsat'ax'inij Jesucristo.

21 Uk'eli'ihijje'm qu' meteni'feni't wetju't qu' nata'tets pa' ijiweyaxitsi'hiju't ha' Cristo.

Jukhew, isu'uni't pe' ewhe'yetsi't wetju't.

22 Qa hik lunyejei iye pe' efuts netk'enets qa' niwqinhet iye pe' lewhe'yets, in lunye'jek in tek'enets ha' Yatsat'ax'inij.ⁿ

23 Qe pa' jukhew lejila' pe' efu, in lunye'jek ha' Cristo in lejila' pe' hats yijayan, hik pekhewe' hik lunyejei qu' 'ese'ne' hakha'an, qa lakha' pakha' yilin hatse' enewe'en.^o

24 Qa in lunyejejek iye pe' yijayan ha' Cristo in tek'enets, qu' hik lunye'je' pe'qu' efuye' qu' ne'neni'ha qu' netk'eenetsa pa'qu' lewhe'ye'ye'.

25 Jukhew, isu'uni'tha pe' ewhe'yeli't, in lunye'jek ha' Cristo in qi in yisu'un pe' yijayan qa wethisi'ij pa'aj qu' nawa'mifi pekhewe'en,^p

26 qe qa' le'sitse' pa'qu' lunyejeje', qa' nenli'jju' hik lunye'j qu' nimpulijinjil' pa'qu' iweli'ye' qe ta'tets ke' le'lijei.

27 Hats'inha qu' namtaxets pa' lewhe'yeyii, qa' qiyi'ija qu' le'wise' pekhe' hik lunye'j qu' lewhe'ye'ye' hikpe' pe' week yijayan pa' Intata, ham

ⁱ 5:13 1Jn 1:2 ^j 5:14 Pr 6:4; Jn 5:25; Is 26:19; 51:17; 52:1; 60:1; Mal 4:2; Lc 1:78-79; Ro 13:11 ^k 5:16 Col 4:5 ^l 5:17 Jer 31:31-34; Ez 36:26-27; Ro 12:2; Fil 1:9-10; 1Ts 5:21; Sal 143:10; Pr 16:9; Ga 1:4 ^m 5:18-21 Col 3:16-17; 1P 1:17; Lc 1:15; 5:37; 12:45; Jn 2:10; 1Ts 5:7; Ap 17:2; Gn 9:21; Dt 7:13; Sal 4:7; Pr 3:10; Hch 13:52 ⁿ 5:22 Gn 3:16; 1Co 11:3,7-9,11-12; Col 3:18; Tit 2:4-5; 1P 3:1-6 ^o 5:23 1Co 11:3; Col 2:10; 3:18-4:1
^p 5:25 Col 3:19; 1P 3:7; Jn 3:16; 1Co 13:1; 2Ts 2:13; Tit 2:14

fejili'ye!, hik ñunyejei ne'ej witqhinatai in ham pa'qu' tshxaalay'i'ju' qa week pakhape' iye ul'axe' hami'm, qe ñe'wiisija yijat'ij in ñunye'jek pa' hats yisu'un ha' Cristo, ham ul'axi'ii.^q

²⁸Qa hik aka' qu' ñunye'je' pa'qu' jukhewe' nisu'un pe'qu' ñewhe'ye'ye!, in ñunye'jek ñakha' in wetsu'unñe. Pakha' qu' nisu'un pe'qu' ñewhe'ye'ye' qa ñakha'ñe in wetsu'unñe.

²⁹Qe ham pa'qu' nuten pa'qu' ñese'ne'ñe, qe aka' ñeqfenye'jij yijat'ij, yekunhen qa yejeñetsha iye, in ñunye'jek ha' Cristo in yejeñetsha pe' hats yijayan,

³⁰qe inekhewel in jitajayan, ñewekwekits pa' ñese'n hakha'an.

³¹Qa hik ta'ñijupi' pa'qu' jukhewe' qu' niwejin pa'qu' ñatataye' qa pe'qu' ñenene'ye' iye, ma' qa ewi'ñ na'ni'ñi' pe'qu' ñewhe'ye'ye!, qa hats nite' hik ñunye'j qu' wetsjuk'e, qe hats hik ñunye'j yijat'ij qu' ewi'ñ pa'qu' ñese'ne'. (Gn 2:24)^r

³²Tsikfe'lets in jutsitets ekewe' hit'ij, in hit'ij ekewe'en t'ejuyets pa' ñunye'jij ha' Cristo pe' hats yijayan.^s

³³Qa hikte ñunye'j iye, week ewi'ñ ekheweli'ñ qu' isu'uni'ñ iye pe' ewhe'yeli'ñ, in ejunyejeji'ñek in ñewetsu'unñi'ñ. Qa pe' efuts, netk'enets qa' niwqinhet iye pa'qu' ñewhe'ye'ye'.

T'ejuyets ne'ej witlits qa ne'ej wit'alhei.

6 ¹Witlits, in ñijayani'ñ ha' Yatsat'ax'inij, ek'eni'ñets pe' alheyi'ñ, qe hik aka' yatsathen yijat'ij.^t

²Qe kakha' yojo in na'l pa' yiwjutsiqen ine'm kekhewe' we'nika'ajji' wenit'ij qu' jintaqsiiikii (mandamientos) yit'ij: —*Ek'enets qa' iwqinhet iye pa'qu' atataye' qa pe'qu' enene'ye' iye,*

³*hats'inha qa' e'ñe'wise'ñi'ñimkii, qa ijetaxi'ij pa'qu' ege neñuye' ha'ne sehe' epji'.* — (Ex 20:12)

⁴Qa ekheweli'ñ wit'alhei, hasu'uj inalketi'ñkii pe' elitsi'ñ, ijatsheni'ñij yijat'ij qu' nenikfe'lets qa'nte' net'ekume'ets pa' nite' yisu'un ha' Cristo, qa' nenikfe'lets iye pa' yisu'un ha' Cristo qa' naqsiiikii.^u

T'ejuyets ne'ej witqejkunenhei qa ne'ej witqapatunits.

⁵T'ithayii witlinhei (esclavos), ek'eni'ñets pe' aqa patunitsi'ñ ha'ne sehe' epji', iwqinheti'ñ qa' e'ñijiwe'y'i'ñijju'ñ iye, qa' weeki'ñjha pe' atawjetsi'ñ qu' iwqinheti'ñ in ejunyejeji'ñetsek ha' Cristo.^v

⁶Hasu'uj in ne'weni'ñ ma' qa ñithayi'y'i'ñ, qe hik aka' ñunyejei pe' wo'ñi'ñi' qu' nisu'un ene' jukhew, me'neenih'i'ha yijat'ij in ekheweli'ñ ñeqejkunenhei ha' Cristo, qa ñaqsiiijikii weekijha pe' atawjetsi'ñ pa' yisu'un pa' Intata.^w

^q 5:27 Jud 24 ^r 5:31 1P 3:1 ^s 5:32 1Co 2:7 ^t 6:1 Pr 1:8; 6:20; 23:22; Col 3:20

^u 6:4 Ro 10:19; He 12:5 ^v 6:5 Col 3:22; 1P 2:18; Fil 2:12; 2Co 9:11 ^w 6:6 Sal 143:10; Pr 16:9; Ga 1:4; Ef 1:9

7Isu'uni'tha qu' ithayi'yi'hi'm, hik eqjunyejeyi'itij qu' hakhaye'le Yatsat'ax'inij qu' ithayi'yi'hi'm, qa nite' ene' jukhewle.^x

8Qe les le'wis qu' menikfeliti'tets in week ewitei hatse' pakha' qu' naqsiiikii pa' le'wis qa' netis hatse' ha' Yatsat'ax'inij, inye'jtu' pakha'le qu' lunye'je' i'nhi'i qu' witlinek'e qa i'nhi'i qu' nite' witlinek'e.

9Qa ekheweli't witqapatunits, hik aka' iye aqsi'ji'itjikii, hasu'uj ijiweikiti'tkii pe' eqejkunehyei't, menikfeliti'tets hakha' Yatsat'ax'inij i'nji' ha'ne wa's, hikha' yatsat'etsi't ej qa lekhwel iye yatsat'etsij, qa lakha' iye week leqjunyejeyij ene' jukhew.^y

Pe' inwatlanhewots initjanetits.

10Ewi'hi'ijha. Mowo'otii qu' nelisi'tij ha' Yatsat'ax'inij pa' ham let'unhenye'ji'iju't let'unha'x.^z

11Uyi'tik'ipha'm pe' week atjanetitsi't nelisi'tij pa' Intata, hats'inha qa'nte' neqenijani'it ej pa' le'wejtitsi' pa' inwo'met.^a

12Qe pa' inwatlanheyejei nite' jit'ejuyiju't pe'qu' jukheewe'le, qe jit'ejuyiju't yijat'ij pe' inwo'metets nekipji' ha'ne sehe' qa yaqsiiikii pa' qi u'ax, qa pe' inwo'metets tenek'enhe'yipji' enewe'en, qa pe' inwo'metets qits pe' let'unhaxits, qa pe' inwo'metets i'nji' na' wa's.^b

13Qa hik ta'tijupi', uyi'tik'ipha'm pe' week atjanetitsi't nelisi'tij pa' Intata, hats'inha qa'nte' neqenijani'it ej pa'qu' ne'tuyeji' qu' nente'nilitax ewets pa' inwo'met, qa in hats nite' yeqenijani't ej, ma' qa hats nite' naxi't ej.^c

14Matjanitheni't, *eqelutsi'tiji' pa' eqelutsaxi't awatlanhewo'ot, hikpa' pa' witjunye'j yijaa'ija,* (Is 11:5) *uyi'tik'ipha'm pa' ejuijiwo'ot awatlanhewo'ot, hik pakha' pa' yatsathen witjunye'j.* (Is 59:17)^d

15Otsi'iji' pe' otshilaxtyi't awatlanhewotsi't, hik pekhewe' in hats aq'axitsi't qu' inku'ti'tij eke' le'sits wi'tlijei t'ejuyets qu' je'le'sitsi't it wetju't pa' Intata (Is 52:7) wi'tlijei t'ejuyets ha' Jesús.

16Qa nite' uja'xle ekewe'en, qe pa' eqwetshenek'iju't iye atjanet (escudo), hikpa' pa' nite' eqekuyejeyi'tij hikpa' qu' nomhet pekhewe' tujje'm lakjui pa' inwo'met.^e

17Uyi'tij'ju' pa' ikfeliyaxitsi'tets in hats i'hiyi't, ma' qa hik lunye'j qu' uyi'tij'ju' pe' otjojiiki'it awatlanhewoki'it. (Is 59:17) Anatkini't eke' Intata le'lijei hik ekewe' laqa'tsjikinet pa' Espíritu Santo.^f

^x 6:7 Col 3:23 ^y 6:9 Hch 4:29; 9:1; Col 3:25; 4:1 ^z 6:10 Hch 4:33 ^a 6:11 Pr 31:25; Ef 6:11-17 ^b 6:12 1P 3:22; Mt 6:13; Jn 17:15; Ef 1:3,20; 2:6; 3:10; Fil 2:10; 3:3

^c 6:13 1Ts 5:8; 2Ti 4:15; 1P 5:9 ^d 6:14 Pr 24:16; Fil 1:27; Jn 14:6; 1Jn 5:20; Mt 6:33; Ro 1:17; 2P 1:1; 1Ts 5:8 ^e 6:16 Gn 15:1; Mt 8:10; Hch 3:16; Ro 1:8; 1Co 2:5; Ga 2:16; 1Ti 1:2; He 4:2; 2Ts 3:3 ^f 6:17 1Ts 5:8; Mr 14:47; Sal 51:11; Jn 1:33; Hch 2:4; Ro 8:9; Ga 5:25; Tit 3:5; Ap 3:22

18 Pa' Espíritu Santo ne'feni'ij qu' iyini'lets pa' Intata, qa' hasu'uj ili'ij, matjanitheni'ha. Hasu'uj ili'ij qu' iyini'ijji'kii pe' hats efetsi'ijji' pa' Intata.^g

19 Qa yakhap iye qu' iyini'iyipji'kii, hats'inha qa k'iyetji'ij qa pa' Intata qa' neslisij pe'qu' hit'ij, qa' ham iye pa'qu' yijiweya'xe'kii qu' henfel qa' ninikfe'l ekewe' nite' hayiits qu' nana'l pa'qu' nenikfe'lets le'sits wi'tlijei t'ejujets ha' Jesús.^h

20 Qa aka'an in lunye'j, qa yakha' qa ye'witq'ithinenek ho'yophe'ti'yij ene' folo'ik'il. Iyini'iyipji' hats'inha qu' ham yijiweya'xe'kii qu' henfel ekewe'en.ⁱ

Wetfel pa' Pablo.

21 Qa nakha' inefefe Tíquico, le'wis leq'ithayinenek iye ha' Yatsat'ax'inij, hik nakha' qu' week nefelii'm hatse', hats'inha qu' enikfe'ljiiletsek pa'n yijunye'jkii qa lekpa' haqsijjkii.^j

22 He'nukini't ei qe qa' enikfe'ljiiletsek pa'n yijunyejeyi'tkii hats'inha qu' nisimetsin qa' nakak'in iye pe' atawjetsi't.^k

23 Pa' wit'ikesimeya'x'ekii qu' na'ni't ejupkii qa pakha' iye witeqsu'unka'x weeki't pa'nte' witqekuye'j ta'lets pa' Intata Dios qa ha' Yatsat'ax'inij Jesucristo.^l

24 Pa' leq'ifenkeye'j pa' Intata qu' na'ni't ejupkii ekheweli't pekhewe' nite' naqatsi'ij in yisu'unija ha' Yatsat'ax'inij Jesucristo.

^g 6:18 Mt 5:44; Hch 12:12; Jud 20; Pr 6:4 ^h 6:19 2Co 3:12 ⁱ 6:20 2Co 5:20

^j 6:21 Tit 3:12 ^k 6:22 Lc 16:25; Col 4:8 ^l 6:23 Mt 5:16; 11:27; Lc 11:13; Jn 8:42